



Broj: 05/01-04-42543-5/23
Sarajevo, 27.11.2023. godine

SKUPŠTINA KANTONA SARAJEVO

- ovdje -

n/r Elvedin Okerić, predsjedavajući

PREDMET: Dostava odgovora na zastupničko pitanje - zastupnica Marijela Hašimbegović

Zastupnica Marijela Hašimbegović, u skladu sa članom 213. stav (1) Poslovnika Skupštine Kantona Sarajevo ("Službene novine Kantona Sarajevo", broj: 41/12- Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22-Ispravka), na Devetoj radnoj sjednici Skupštine Kantona Sarajevo održanoj 03.10.2023. godine, u okviru tačke Dnevnog reda "Poslanička/zastupnička pitanja, inicijative i odgovori", uputila je sljedeću zastupničku inicijativu:

"Upućujem inicijativu radi pokretanja postupka procjene uticaja na okoliš/životnu sredinu ili ako postoji ovakva Studija tražim da se preispita uticaj na okoliš za prostorno plansku dokumentaciju za objekte koji se trenutno grade ili koji se planiraju graditi na zaštićenom području koje je proglašeno u RS-u.

Ovu inicijativu potrebno je uputiti Federalnom ministarstvu za okoliš i turizam jer je u njihovoj nadležnosti postupak procjene utjecaja na okoliš koji će putem Međuentitetskog tijela za okoliš naložiti resornom ministarstvu RS-a kao i Zavodu za zaštitu prirode RS-a da hitno razmotre navedene inicijative. Procjena treba da sadrži komponente okoliša (zemljište, zrak, voda i biološka raznolikost) kao i zdravlje ljudi. Takođe potrebno je provjeriti dozvole za gradnju koje su dobili prije nego što je područje zaštićeno.

Obrazloženje:

Član 10. Zakona o zaštiti prirode F BiH i član 125. i 126. Zakona o zaštiti okoliša F BiH definišu daje Međuentitetsko tijelo za okoliš ovlašteno za pitanja iz područja okoliša koji zahtijevaju usaglašen pristup entiteta.

Obzirom da se sve aktivnosti na izgradnji objekata i sječe šume odvijaju van granica Kantona Sarajevo i nisu u obuhvatu zakonom proglašenog područja 'Zaštićenog pejzaža Trebević' neophodno je uraditi procjenu uticaja / životne sredine na navedenom lokalitetu jer priroda ne poznaje granice.

Procjena je da je posječeno 15 000 m² šume na zaštićenom području Trebević da bi se mogao graditi 'Roof Gardens' a svjedočimo i nastavku vandalizacije nad prirodnim dobrom i gradnjom kompleksa 'Trebević Hills' na Brusu. Dio kojim upravlja KS ima urađenu valorizaciju i kroz Prostorni plan područja posebnog obilježja koji je u postupku usvajanja planiraju se uraditi

procjene za uticaj na okoliš za određene urbanističke projekte čija je namjena takva da bi mogla imati uticaj na okoliš. Neophodno je da dokument procjene uticaja osigura odgovarajući sistem zaštite i očuvanja valoriziranih prirodnih vrijednosti na području 'Zaštićenog pejzaža Trebević' kao i zdravlja ljudi u Kantonu Sarajevo i svakako spriječi vandalizaciju prirodnog dobra."

ODGOVOR:

Predmetna inicijativa proslijedena je Federalnom ministarstvu okoliša i turizma, a u odgovoru (u prilogu akta) je navedeno da će na narednoj sjednici Međuentitetskog tijela za okoliš (čije je održavanje bilo planirano 23.11.2023. godine) biti razmatrana inicijativa i problematika izgradnje u kontaktnoj zoni Zaštićenog pejzaža "Trebević" u Federaciji Bosne i Hercegovine uz samu međuentitetsku granicu i u neposrednoj blizini Parka prirode "Trebević" u entitetu Republika Srpska.

Nakon što Federalno ministarstvo okoliša i turizma dostavi našem Ministarstvu zaključke sa ove sjednice, kao i odgovor Ministarstva za prostorno uređenje, građevinarstvo i ekologiju Republike Srpske na zahtjev Federalnog ministarstva za dostavu informacije da li je urađena strateška procjena na okoliš, isti će biti proslijedeni Skupštini Kantona Sarajevo.

S poštovanjem,

Prilog:

- Odgovor Federalnog ministarstva broj: 04-19-791/23 od 09.11.2023. godine



Akt sačinila: Amela Rokša, stručni savjetnik za planiranje, upravljanje i korištenje prirodnih vrijednosti

Akt kontrolisao: Adnan Medić, pomoćnik ministra za zaštitu okoliša

Dostaviti:

- ⊖ Predsjedavajući Skupštine Kantona Sarajevo
- Stručna služba Vlade Kantona Sarajevo
- Služba za skupštinske poslove + CD
- Evidencija
- a/a

11096

Bosna i Hercegovina
Federacija Bosne i Hercegovine
FEDERALNO MINISTARSTVO
OKOLIŠA I TURIZMA

Bosnia and Herzegovina
Federation of Bosnia and Herzegovina
FEDERAL MINISTRY OF
ENVIRONMENT AND TOURISM

Broj: 04-19-791/23
Sarajevo, 09.11.2023. godine

KANTON SARAJEVO
MINISTARSTVO KOMUNALNE PRIVREDE, INFRASTRUKTURE,
PROSTORNOG UREĐENJA, GRAĐENJA I ZAŠTITE OKOLIŠA
Reisa Džemaludina Čauševića 1
71000 Sarajevo

Predmet: Zastupnička inicijativa, odgovor, dostavlja se -

Poštovani,

uz vaš akt broj: 05-01-04-42543-5/23 od 02.11.2023. godine, Federalnom ministarstvu okoliša i turizma dostavili ste zastupničku inicijativu, koju je na 9. radnoj sjednici Skupštine Kantona Sarajevo održanoj 03.10.2023. godine podnijela zastupnica Marijela Hašimbegović.

Zastupnica Marijela Hašimbegović je uputila inicijativu pokretanja procjene uticaja na okoliš ili ako postoji ovakva Studija da se preispita uticaj na okoliš za prostorno plansku dokumentaciju za objekte koji se trenutno grade ili koji se planiraju graditi na zaštićenom području koje je proglašeno u Republici Srpskoj, te da se ova inicijativa razmotri na sjednici Međuentitetskog tijela za okoliš.

Federalno ministarstvo okoliša i turizma se zahvaljuje na podnesenoj inicijativi te vas obavještavamo da će inicijativa i problematika izgradnje u kontaktnoj zoni Zaštićenog pejzaža „Trebević“ u Federaciji Bosne i Hercegovine uz samu međuentitetsku granicu i u neposrednoj blizini Parka prirode „Trebević“ u Republici Srpskoj svakako biti razmatrana na narednoj sjednici Međuentitetskog tijela čije je održavanje planirano 23.11.2023. godine. O zaključcima ćemo vas blagovremeno obavijestiti.

Ovom prilikom, želimo vas informirati i da je Federalno ministarstvo okoliša i turizma, na osnovu zaprimljene Informacije Kantonalne javne ustanove za zaštićena prirodna područja o izvođenju radova u sklopu izgradnje kompleksa „Trebević Hills“ na Trebeviću na području Republike Srpske, 18.09.2023. godine uputilo Ministarstvu za prostorno uređenje, građevinarstvo i ekologiju Republike Srpske zahtjev za dostavljanje informacije da li je urađena strateška procjena uticaja na okoliš te na osnovu kojih planskih dokumenata i izdatih dozvola se vrši gradnja. Međutim, do danas, nismo zaprimili odgovor resornog ministarstva.

S poštovanjem,

Dostaviti:

- Naslovu
- a/a

